

دینی ، علمی ، ادبی و اجتماعی

محفصل

جلد

۱۳۳۸

سنه

۵

مجموعۃ السیارات

شیمدیك عربی آیلری ابتدا سنده نشر اولونور .

صارف ، مدیری ، محرری :

جمادی الاولی



جزء

۵۵

۱۳۴۳

شرائط تحریر: اسلامك نفعنه خادم یازیلر مع التشکر قبول ونشر اولونور . یازانك شخصی دکل ، یازینك ماهیتی نظردقته آ لینیر . کوندمریله جك آثار اوقوناقلی ومختصرجه یازیش اولمالیدر . کلن یازیلردن شایان قبول کوروللر تاریخ صیراسیله درج ایدیلیر .
شرائط اشترای: هر سنه نك برنجی وایکینجی آلی آیلغندن اعتباراً آبونه قید اولونور .
سنه لکی پوسته اجرتیه برابر : ۱۰۰ ، آلی آیلغی : ۵۰ غروشدیر . ممالك اجنیه ایچین ۲۰ و ۱۰ غروش علاوه سی لازمدیر .

محفصل

۱۳۳۸

مجموعه سنك یکن سنه لره عائد وپك چوق معلومات مفیده یی حاوی اولان نسخه لری منتظماً دیکیلیمش واوزه رلرینه قالین بررقاق کیریلرک مجلد کتاب حاله کتیریلشدیر . خیرالایس اولایله جك بوتفیس کتابلردن برنجیسنك موجودی بیتیش ، ۱۲-۷ نجی نسخه لری پراکنده اولارق قالشدیر . هر نسخه یی ۱۰ غروشدیر .
۳،۲ و ۳،۲ نجی جلدلرک بدلی ده پوسته اجرتیه برابر یوزر غروشدیر . طوغرودن طوغرویه اداره خانه یه ۲۰۰ غروش کونده ریلدیکی صورتده هراوج جلدی یوللانیر .

نسخه سی ۱۰ غروشدیر .

پارماقله صایلا جق قدر آزایدیلر دینلیر. هله برسنه دوریه اولورسه زیارتجیلر نطقلرینی هزار طاشلرینه دیکله تیرلر. نیچون آرتق شرقده بویوک اولورمره حرمت و تعظیم یوق. ماضیمزی ده، تاریخمزی ده، حتی بوکونکی حیاتمزی بيله کندیلرینه مدیون اولدیغمز اعظمه نیچن لازمکن وظیفه ده قصور ایدیورز. طوبراغمزك هر آدمی باشی بابر قهرمان، یابرولی و الحاصل بوملتك اوغرینه چالیشمشرله طولو. یا کوزمرك اوکنده حیاته نصیب ولایقتی کورمه دن کوچوب کیدنلر نیچون رقتمزی جلب ایتمبور. آرتیق سنه لردنبری اولوم، آتش، هجران و فراق کوره کوره، اك سه و دیکمز کیمسه ویرلرک آیریاغنی دها عزیزینك تعقیبنه معروض قالا قالا حس ایتمك، آجی دویمق خاصه سینمی غیب ایتدك؟ هم نه قدر آدم اولدی. شون اون بش سنه ایچنده آزمی جان، آزمی قان، آزمی قربان ویردك؟ حالا نه قدری صحتسز لکدن علمسز لکدن، باقیمسز لکدن سونوب کیدیور. دشمنلرک دوغرا دینی و حد و حسابنی آنجق اللهك بیلدیکی کیمسه لرک یکونی ده آیریجه. قباحه هیچ شبهه سز زمانك. فقط نه یاپالم تاثیرینی، منحوس تاثیرینی بزچکیورز.

رئیس مظهر

عفت مجوهرینك بر کوموش یوزوک

قدرده می قیمتی یوق ؟

ده گرسز یازیلر می اوقویان مخفل قارلرینه کچن آی حسی و خیالی بر مقاله تفدیم ایتمشدم. بو آی ده صرف مشهودات و محسوسات اوزه رینه بعض دیدی قودی یاپاجم:

بر قاچ کون اول ایدی که اوته بری آلمق ایچین محمود پاشا جاده سنه کیده جکدم. چارشینك بیت بازاری قاپیسندن کیردم، قالپاچیلر باشنه طوغرو

یورودم، صول طرفده کی سوقاقلردن برینه صاپدم. قویو مجیلره طوغرو اینرکن ایکی طرفده صیرالانان دکانچه لردن برینك اوکننده کی قالابالق کوزمه ایلیددی، او قالابالغك آراسندن فیرلایان آقوردی بوزوق برطاقم سسلرده قولاغمی طیرمالادی.

طاهر المولوی بکک بر تصویرنده دیدیکی کبی: بروقه می وار، یوقسه کورولمکده می برایش؟ زدن بوقدر خلق، کلوب بویله بیریکمش؟ بنده صوقولور آکلارم، البته بو حقم، فکر یله بنی تا ایلری سوردی مراقم.

اوت. مستعجل برایشم اولادینی کبی یلکک، یاخود جا کتک خییلرنده آشیر یلاسندن قور قولاجق شیلرده یوقدی. بناء علیه بلا احتراز طورور و دیکله یه بیلیردم. بیریکنتی یه قاریشدم و کوردم:

قیرانطه برارمنی، دکانک ایچریسندن و اوطوردینی یردن باغیریور، قیرپق و کندی توهمنه کوره شیق برکنچده دیشاریدن و آیاقده مقابله ایدیوردی.

قویو مجینك دیلندن صمته نك معلوم فصاحتی جوشدینی کبی مشترینك آغزندن ده اگین و حوالیسنك مشهور بلاغتی تام سلاستیه طاشیوردی.

وقتیله استانبول قلملرینی ایجه طانیش برکوز قارشیسنده او شیق کنجک - باشنده کی توی دوکولش آستراخان قالپاغه، آیاغنده کی متقاعد و غالباً یامالی کولوت پانطالونه رغماً - متکرراً تنزهه چیقمش - بر اوطه جی اولدینی آکلایشلیوردی.

آنجا ق استاد حسین رحمی نك قدرتلی قلمی، یاخود بر فونوغرلف ماکنه سنك امنیتی پلاقیله ضبط واسماع ایدیله بيله جک شتوم آمیز محاوره نك خلاصه سی شوایدی:

مشری کوموش حلقه اوستنه عقیق طاشی اوطور تولش بر یوزوک ایسته مش. قویو مجی ده بش اون دانه حلقه چیقاروب کوسترمش. مشری، دکانچی نی ایجه اشغال ایتدیکی ویوزوکلری اویروب

چو یوروب پارماقلادینی حالده هیچ برینی بکه نمه مش. ایشته او طنطنه لی دیل دالاشنك سبب ظهوری بو ایش.

مسئله نك داها فضله تدقیقه تحمیلی یوقدی. اوست طرفنی ضابطه مأمورلرینك تحقیقنه بیرا قدم، قالاباق آراسندن صییر یلدم. اواشاده بر:

— بون جور مون شهر! نداسیله ایجه اشتالی وشاپیرتیلی بر بوسه نك عکسی، برده متهیج و متموج بر قهقهه صداسی، قبهلری چینلاندی. سسلرك کلدیکی طرفه دوندم. ایکنجی بر قومهدی درام پرده سی ده اوراده آچیلماشدی.

یوزوك مشتریسنك جلد ثانیسی اولاییله جك ارکک قیافتلی بری، کندیسنك تام آشی اولان دیشی بر مخلوقه فرانسرجه! آشنالق ایدیور، عرض جرمت و تقدیم محبت مقامنده آلی اوپویور، صالیله دوداقلرینك متراید تماسیله شاپیرتیلی بوسه لر توالی ایلور و قارشیسینده کندن احتراز و نفرت یرینه التفات و تمایل کورو یوردی.

— زواللی عصر یلک! نه الله دوشدك، نه آغیزلره بولاشدك! دیدم، بو کبی مستکره مناظره هرکس کبی بنده مجبوراً قانیق ساش اولدیغیم ایچین «آغامز اکلهور!» دیهرک یورودم.

مع مافیة سوقاغک کوشه سنی دونونجه یه قدر ودولاشیرکن برقچ دفعه طوردم، باقدم. مصاحبت محبانه! (ألأله، باش باشد) اولق اوزره دوام ایدیور، او عصر یلک مقلده سنك؛ کلندن، کچندن، طوراندن، باقاندن صیقیلوب ده آلی چکمه سی غالباده خاطرینه کلیوردی.

محمود پاشا یوقوشنی اینرکن کندی کندیمة متأثرانه و متنفرا نه صورویور و: «ارمنی بر قویوجی، مادی قیمتی پك ده یوکسك

اولمیان برقچ حلقه نك اوزون اوزادی یه قاریشد. یریلما سهرضا کوسترمیور، مشتریسیله غوغا چیقاریور. شو چارشی، بازار عصریه سی! ایسه معنوی قیمته بنایه تیشمه مك لازم کلن عفت نسویه نك بویله جه یابانچی اللرده صیقیشدیر یلما سنه سس چیقارمیور، بلکه ده محظوظیت کوستریور. عجبا قادینلق و عفت جوهرینك کوموش بر یوزوك قدرده قیمتی یوقی؟» دیوردم. بردنبره:

— ته په ته په قوللان، چفتی قرق بشه! نعره سنی ایشیتدم. مکر برکز دیریحی جوراب صاتیور مش.

فکری خالص

محفل تاریخی و ادبی:

جامع ازهرک مدرسه سی ناصل بویودی؟

ازهرک بدایت تشیدنده قاهرده بویوک جامعلردن آنجق ایکی دانه سی واردی که برنجیسی (فسطاط) ده [ایوم اسکی مصر نامیه مشهور و بر قصبه قدر بویوک بر محله در] ۲۱ نجی سنه هجریده تأسیس اولونان عمرو بن العاص جامعی، ایکنجیسی ده (قطائع) ده [اسکی مصر ایله قاهره آراسنده کی محله] ۲۴۷ نجی سال هجریده بنا اولونان ابن طولون جامعدر. محفلک ۴۸ نجی نسجه سینده یازدیقمز وجهله ازهرک مؤسسی (المعز لدین الله - الفاطمی) ایدی، فاطمیلر ایسه شیعی المذهب بولونویوردی. بونلر، کندی مذهب لرینی ترویج ونشرا یچون جامعک اطرافنده مسکنلر (مدرسه لر) وجوده کتیردیلر، مدرسه لر ایله طلبیه تحصیصات یاپدیلر. بو مناسبتله ازهرک نام و شهرتی آرتدی و کیتدکجه آرتان بر توجه مظهر اولدی. علوم و فنون تدریس و تدرسی ازهره انحصار ایدهرک بویوک بر جامعه اسلامیة شکلی آلدی.